

L'Isla-de-Baish te recebèva lo Torn-de-França

l'Esplanada deus Pirenèus



L'Isla-de-Baish te recebèva lo Torn-de-França



Peu prumèr còp, **L'Isla-de-Baish** te recebèva lo **Torn-de-França** au títol de ciutat-etapa (la setièma) lo uèit de julhet. Atau, los corrairas son partits en bicicleta de L'Isla de cap la fin de matinada, mentre que la television Francesa difusava en dirècte de la ciutat Gascona una emission familiara ("Vilatge Partença") dambe fòrça convidats famuses, coma lo cantaire **Amir**, plan popular engüan per'mor de la capitada de la sua cançon "**Èi cercat**", l'actriça **Hélène Rollès**, era plan coneguda dempus las annadas 90 d'aver avut lo ròtle màger de la seria "**Elena e los Gojats**", l'anciana Miss França (1998) **Sophie Thalmann**, o encara lo grop **Elmer Food Beat**, grop ròck francés deu debut de las annadas 90 qui, a l'epòca, hasquèren polemica dambe la cançon peberada "**Daniela**". Tot aqueth monde amassat sus l'Esplanada deus Pirenèus entà d'aquesta festivitá en paralèla deu passatge de la famosa corsa ciclista entau contentament deus pichons atau coma deus grands !